

Romani

Van Wikipedia

Dit artikel is gesjreve (of begós) in 't Norbiks. Laes hie wie v'r mit de versjillende saorte Limburgs ómgaon.

't Romani of **Romanes** is de taal van de Roma en besjteet taalkundig bezieë oet vööl versjillende tale, die oonderling neet mie allemaol te versjtoeë zeunt. Ze zeunt allemaol waal verwant an 't Hindi en Punjabi. De Roma zowwe op grond va taalkundig oonderzoek oet 't noorde van India en Pakistan sjtamme. De lieënwaoërd in hun tale vertille hun rees nao 't weste. Recaent oonderzoek bewiest 'n verwaantsjap mit 't Singalees, 'n Indo-Europese taal die verwaant is an 't Sanskriet.

De Roma haowe vas an hun taal, mae lieëre daonaeëve och de taal van 't laand oeë ze verblieve. Vööl Roma zeunt drier- of mieërtalig. 't Romani van de Balkan haat nog de ach naamvalle van 't Sanskriet. De mieë westeleke Roma, die naeëve hun taal 't Duutsj lieërde, lete versjillende naamvalle in d'r loop van d'r tied valle. De taal wert sinds kort och op sjrif gezat.

Erkèning

- De Roma zeunt in Macedonië, Oostenriek, Zjwede en de Sinti en Roma zeunt in Duutsjlaand 'n erkènde nationaal minderhèèd in de kaders van 't Kaderverdraag inzake de besjerming van nationaal minderhede.
- 't Romani is binne de kaders van 't Europees Haandvest vör regionaal tale en tale van minderhede erkènd in Finland, Duutsjlaand, Montenegro, Nederland, Oostenriek, Servië, Slovenië, Slowakije en Zjwede.

Externe leenk



D'r is 'n **Romani editie** van Wikipedia, de vriej encyclopedie.

Aafkomstig van Wikipedia, de Vriej Encyclopedie. "<https://li.wikipedia.org/w/index.php?title=Romani&oldid=437616>"

Dees pazjena is 't lèts verangerd op 25 sep 2019, 19:44.

De teks is besjikbaar ónger de Creative Commons Naomsvermelding/Geliek Deile licentie. 't Is mäögelik dat aanvöllende veurwaarde van toepassing zeen. Betrach de Algemein veurwaarde veur mie informatie.